

LAXMI BOOK BINDING &

DYE PRINTING WORKS

8, Kamburipala Lane,

CALCUTTA-5.

বেফারেল (আকর) গ্রন্থ

১৫

Kumbharia Total Boys' Reading
~~34815~~ - (34815) *Club.*

সভ্যতার পাণ্ডা ।

(বড়দিনের পঞ্চরং
রেফারেন্স (আকর) গ্রন্থ)

ত্রিযুক্ত গিরিশচন্দ্র ঘোষ প্রণীত ।

(১৮৯৪ সালের বড়দিনে মিনার্ভা থিয়েটারে অভিনীত ।)

প্রকাশক—ত্রিধর্মদাস সুর ।

৬নং বিডন ষ্ট্রীট ।

২নং হরিশোহন বস্ত্র লেন নতুন কলিকাতা-থ্রেসে

ত্রিপুরচন্দ্র মুখোপাধ্যায় দ্বারা মুদ্রিত ।

১৩০১ ।

All rights reserved.]

[মূল্য ১০ চারিআনা দ্বারা]

27-22
Acc 22898
28/2/2004

উৎসর্গ।

সজদয় যুবক—

শ্রীল শ্রীযুক্ত কুমার আশুতোষ রায় বাহাদুর

(কাশিমবাজার ।)

উন্নত বঙ্গের ছবি দেখুন ।

প্রণত—

শ্রীধর্মদাস সুর ;

(প্রকাশক ।)

সভ্যতার পাণ্ডা ।

(পঞ্চতন্ত্রঃ ।)

প্রথম দৃশ্য ।

সভ্যতার বাটী ।

সভ্যতা । (গীত) —

আমার মুখে হাসি চোখে ফাঁশি ভুবনমোহিনী ।

মাদকতা প্রবঞ্চনা চিরসঙ্গিনী ॥

অনাচার আমার কণ্ঠহার,

দাসী হ'য়ে চরণ সেবা করে ব্যভিচার,

আমি মধুমাখা কথা কয়ে আগে ভোলাই কামিনী ॥

ছদাসনে সযতনে পুজি অহঙ্কার,

সে যে প্রাণপতি আমার,

আমার ছদয় রতন, যতনের ধন, জোর করি ত তার,

আমি তার গরবে গরবিনী আদরে আদরিণী ॥

পুরাতন বর্ষের প্রবেশ।

সভ্যতা। শুভমর্গি! ওল্ড ইয়ার! নিউ ইয়ার কে হবে কিছু
ঠিক করলে?

পু-বর্ষ। আজ্ঞে আপনি দেখে শুনে নিন, মনের মত তো
কারকে ঠেকে না, মহাত্মা নব্বই সাল, একানব্বই,
বিরানব্বই, তিরানব্বই সাল যে সকল বঙ্গের উন্নতি সাধন
করে গিয়েছেন তার ত আর তুলনাই হয় না। বিধবা-
বিবাহ, জী-স্বাধীনতা, বালা-বিবাহ রহিত, কনস্টে-
অ্যাক্ট প্রভৃতি মহা মহা কীর্তি স্থাপন করে গিয়েছেন;
আমি যথাসাধ্য চেষ্টা করে রোদ, বৃষ্টি, হিন সময়ে, সে সকল
কীর্তি যে বজ্রায় রাখতে পেরেছি, আছিও যে আপনার
নামে কলঙ্ক অর্পণ করিনি, এইতেই আপনাকে ধন্যবাদ
দি। কাজে আনতে পারি বা না পারি, হিউর ডাইভোর্স
অ্যাক্ট সম্বন্ধে কথা উত্থাপন করেছি।

সভ্যতা। না তুমি খুব উপযুক্ত! খুব উপযুক্ত!

পু-বর্ষ। এখন আমার দারুণ চিন্তা হয়েছে কে যে পঁচানব্বই
সালব্য গ্রহণ করবে, তা কিছু ঠিক কর্তে পারছিলেন,
দেখছি সব ছেলেমানুষ, এ হিন্ ডাইভোর্স অ্যাক্ট
যে চলিত করতে পারবে এমন ত আমার ঠেকে না।

সভ্যতা। জ্বাখ তুমি ভেব না, এই তুমিও তো ছেলেমানুষ ছিলে
তোমায় আমার সম্মান কে শেখালে! আমরা তো
সহচরীরা, প্রবঞ্চনা, মাদকতা, অনাচার, ব্যভিচার,
এরাইতো তোমায় শিখিয়ে পড়িয়ে মানুষ করেছে?
ওরির তেতর একটা সেরানা সট হোঁড়া দেখে নাও।

পু-বর্ষ । একটা ছোঁড়া নিতাস্ত মন্দ নয়, সে যা যা ক'র্বে বলছে যদি পারে, ছোঁড়াটা নাম রেখে যাবে, কিন্তু তার কথায় বিশ্বাস হচ্ছে না । সে সব ফটোগ্রাফ এনেছে চমৎকার চমৎকার, বলছে সে এই সব পারবে ।

সত্যতা । তুমি এ সব অবিশ্বাস ক'র না । তোমার পূর্ন পূর্ন মহাত্মা কি কাজ না করে গেছেন, আর তুমিইবা কি না করলে ? একি কেউ সম্ভব ভেবেছিল, হিঁহুতে মুরগী থাকে ? বামুন খুঁটান হবে ? কুলের বধু মেম সেজে হাওয়া থাকে, পূজার সাহেবের খানা হবে, বাপ ব্যাটার গার্ডন পার্টি করবে, বেস্তার সঙ্গে জ্বরী আলাপ করে দেবে, বাপ মাকে পৃথক করবে ? তুমি তো সব জান, তোমায় আর কি বলবো ! আর ধর না, তুমিই যখন ফটোগ্রাফ দেখিয়েছিলে, তিরানকই সাল কি না বলেছিল ? যে “ও ছেলে মানুষ পেরে উঠবে না ।” তুমি হিন্দু ডাইভোস অ্যাক্ট কলনা করলে, আর ঘরবাড়া নাই, রামায়ণ মহাভারতকে অশ্লীল প্রমাণ করলে ।

পু-বর্ষ । তা পারে ভাল । দেখুন ঐ আসছে, আমি বুড় হয়েছি, শীতে আর দাঁড়াতে পারছি নে, এই কটা দিন কাজ করছি, পরলা থেকে আমার ছুটি দেবেন ।

সত্যতা । অবিশ্বি ! কালগর্ভে তোমার জন্ম যশের মন্দির হয়েছে, পেন্সেন্স নিয়ে সেখানে গে বিরাম ক'রো । তবে যদি কখন কোন নূতন বৎসরে তোমায় কীর্তির কোন নজীর দরকার হয়, তা এক একবার এ'সে সাক্ষী দিয়ে বেও ।

পু-বর্ষ । তা আমার সাক্ষী দিতে আসতে হবে না, রাজবাড়ি

থেকে কুটির পর্য্যন্ত আমার নজর পড়ে আছে, আমার শীল মোহর করা। তা অসুখমতি হয় তো আসি।

সভ্যতা। দ্যাখ, এই কৃষ্ণমাস আসছে, এই কীর্ত্তি রেখে যাবার দিন, এ সময় আলিঙ্গি ক'রনা।

পূ-বর্ষ। হাঁ, তা কি হয়!

সভ্যতা। শুভ্ ডে।

[পুরাতন বর্ষের প্রস্থান।

(নূতন বর্ষের প্রবেশ।)

নব-বর্ষ। শুভমর্গিঃ লেডি!

সভ্যতা। তুমি কি নূতন সাল হবার প্রার্থনা কর?

নব-বর্ষ। ইয়েস্, প্রবং, নিশ্চয়, জরুর! আমার এই চারখানা ফটোগ্রাফ্ দেখুন। এমনি কাজ ক'রে বর্ষের মন্দিরে গে শোব ইচ্ছে ক'রেছি। এর সজীব ছবি আমার আছে, দেখতে চান্ দেখবেন্ আসুন।

সভ্যতা। এ সব তুমি পারবে?

নব-বর্ষ। আজ্ঞে হাঁ। না পারি, কাজ দেবেন না। চুরানব্বই আমায় বিশ্বাস করছেন না, আচ্ছা উনি দেখুন, ওঁর চক্কে উপর দেখাই। আমি নাম চাইনি, এই কুবমাসেতে ওঁর কদুর মুখ উজ্জল করি।

সভ্যতা। আচ্ছা তুমি কাজ আরম্ভ কর। এক একটা কাজ করে, আমায় খবর দিও, আমি দেখে নেবো। ষাও কাজে যাও।

নব-বর্ষ। যে আজ্ঞে।

[সভ্যতা ও নব বর্ষের প্রস্থান।

দ্বিতীয় দৃশ্য ।

চোরঙ্গীর রাস্তা ।—(বেঙ্গলক্রাবের সম্মুখ)

(এক জন বিউগেল ও ছয়জন হাণ্ডবিল লইয়া প্রবেশ ।)

বিউ-বাদক । ক্রস্মাসের দিন সাতপুকুরে বরের নীলেম হবে ।
যে যেমন চাও তেন্নি পাবে, এই হাণ্ডবিল নিন, আর গান
শুন নেচে গাই ।

গীত ।

হবে স্মৃতন নীলেমে, স্মৃতন বরের আমদানী ।
হর রকম বর পাওয়া যাবে, বুড় যুব বাচ্চানী ॥

বিকুবে হায়েষ্টবিডারে,
ক্যাসপ্রাইসে পাবেনা ধারে,
পয়সা ফেল, হাত ধরে নাও পছন্দ যারে,
হররকম প্যাটেনের গড়ন, বে প্যাটেন নাই একখানি ॥

আড়ংছাঁটা, টেরিকাটা কিট,
ফ্যাসানেবল্ ড্রেসকরা নিট,
সব্য ভব্য ত্রেক করা ডিট,
হবে না সিক্ অর সরি, আক্লে দিও চাবকানী ॥

(হাণ্ডবিলওয়ালার হাণ্ডবিল পাঠ ।)

১ম হাণ্ড । নিউ অক্সন ! নিউ অক্সন !! নিউ অক্সন !!!

সেভেন্ ট্যাঙ্কস্ ভিজা !

এক্স মাস্ ডে—টোইণ্টী ফিক্‌ ডিসেম্বর,

এইট্টান্ নাইণ্টী কোর,

টু বি সোল্ড টু দি হায়েষ্ট বিডার,

ফাষ্ট ক্লাস ব্রাইড গ্রুম্ !

ওয়েল ড্রেস্ট, সিভিলাইজ্‌ড-ডোসাইল, এণ্ড টেম !

কাম্ ওয়ান্ এণ্ড অল্ !

নূতন নীলেম ! নূতন নীলেম !! নূতন নীলেম !!!

সাতগুরু বাগানে ।

বড় দিন ২৫শে ডিসেম্বর, ১৮৯৪ সাল ।

হায়েষ্ট বিডারে বিক্রি !

প্রথম শ্রেণীর ভাল বর ! ভাল পোষাক ।

সভ্য—নিম্ন—পোষমানা !

এস একজন ও সকলে !

[সকলের প্রস্থান ।

তৃতীয় দৃশ্য ।

ভবতারিণীর বাট ।

(ভবতারিণী ও বিবেচনার প্রবেশ ।)

ভব। এস এস, অনেক দিনের পর দেখা হ'ল। পাচ
ঝঞ্জাটে আর হাওয়া খেতে যেতে পারি নি, ত্যাগাও হয়
না, ভবে কি মনে করে ?

বিবে। ভাই, নেমন্তন্ন কর্তে এসেছি।

ভব। কি, পাটি টাটি কি কিছু আছে নাকি ?

বিবে। না, তা নয়, কল্যা যাত্রের ।

ভব। বে কার ?

বিবে। কেন, কিছু শোন নি ? বক্তৃতাও পড়নি ? এড্-
ভার্টাইজমেন্টও দেখনি ?

ভব। আর ভাই, পাচ ঝঞ্জাটে কি আর কিছু দেখতে শুন্তে
পাই ! হাওয়া খেতে তো যেতে পারিই নি, একদিন যে
জিম্মাসিরেমে যাব, তাও হয়ে উঠে না। কার বে ?

বিবে। আমার।

ভব। বটে বটে, ইস্ তাই তো !

বিবে। তোমার ভাই যেতেই হবে।

ভব। ভাই, তাইতো ভাবছি !

বিবে। না, ও ভাবছি না।

ভব। আমার কি ভাই অসাধ ? আমি তোমার কোন্ বে ডে
কল্যাণী বাই নি বলকু প্রথমকার বেতে বান্দর

জাগি, দ্বিতীয় বে তে তেরাভির ছিলুম, যদি না ঝঞ্ঝাটে পড়তুম, তুমি জোড়ে ফিরে আসা অবধি তোমাদের বাড়িতে থাকতুম । তুমি কি ভাই আমার পর ?

বিশ্বে । এত ঝঞ্ঝাটটা কিসের বল দেখি ?

জব । সে কথা আর তোমায় কি বলবো বল ! এই ভোরে ওঠা, টিথ্ বুরুশ দিয়ে দাঁত মাজা, গোয়লখানায় যাওয়া, ছোট হাজরে বড় হাজরে থাওয়া—কর্তার সঙ্গে বসে খেতে হয়, কর্তা একলা খায়না—টাকিন্, ডিনার, তিনবার ড্রেস করা, তারপর মেয়েকে বোকে পড়ান ।

বিশ্বে । কেমন শিখছে কেমন ?

জব । মেয়ে আমার পেটের, বিয়ে পাস করেছে । রাইডীং, বক্সিং, জিমন্যাস্টিক্ পর্য্যন্ত শিখেছে । তবে বোঁটা মানুষ হলনা । আমি বারণ করেছিলুম যে ছোট বরের মেয়ে এন না, কর্তা শুন্লে না । সে সেই আইবুড়ীর মত ঘোম্টা দেবে, ছেলের সঙ্গে বেড়াতে যাবেনা, ঘোড়া চড়বে না, গাউন পরবে না, জুপাত ইংরেজিও পড়বে না ।

বিশ্বে । তবে তো বউ টা বয়ে গেল ।

জব । তা গেল বই কি ! আশুক ছিটিধর বিলেত থেকে আশুক, বলছে মেম্ বে করে আসবে । তদ্দিনে ডাই-ভোস্ অ্যাক্টাও পাস হবে, উরির মধ্যে দেখে শুনে বোঁটার একটা বে দেব ।

বিশ্বে । দেখ, বর বরকরার কাজ কর্ততো আছেই, কাল এক বার কুরসুত করে শুভদৃষ্টির সময় গিয়ে দাঁড়িও ।

জব । ভাই একটু কুরসুত নেই, কাল কর্তায় প্রাণ ।

বিশ্বে । সে কি ? আস্বের সময় তো দেখলুম তিনি গাড়িতে উঠছেন ।

ভব । হাঁ, ডেপু রেজেন্সী কর্তে গেল ।

বিশ্বে । বটে ! তোমার কি বে দেবেন ?

ভব । না, তা না । কি জান, ছিষ্টধর পরশু মেলে বিলত যাবে, ঘেসেড়াগিরী শিখবে ! কাজটা বড় শক্ত, ব্যাগিটারী ডাক্তারী নয়, যে ছ এক বছরে হবে ; এসে ঘেসেড়ার আকিস খুলবে । সেখানে অস্ত্রত বছর দশেক শিখতে হবে, অ্যাঙ্গিনে কর্তার ভাল মন্দ হোক, শেষ কি ব্যাটা থাকতে ব্যাড়া আগুনে পুড়বে, না জ্বাতে শ্রদ্ধ করবে ? তাই পুরুষ ঠাকুর পরামর্শ দিয়েছেন, আজ ছিষ্টধর মুখ-অগ্নি করে কাচা নিয়ে থাকবে, কাল সকালে শ্রদ্ধ করে, পরশু মেলে উঠবে ।

বিশ্বে । বটে ? তবে ভাই আর তোমায় কি বলবো !

ভব । তোমারো বে শুন্ছি, তোমায়ই বা কি বলবো ! তা নৈলে একবার শ্রদ্ধ টাঙ্ক দেখে যেতে । তা সকাল সকাল ত্রে বে চুকে যাবে, একবার তোমায় নিউডিয়ারকে নিয়ে এদিকে আসতে পারবে না ?

বিশ্বে । দেখি কদুর হয় বলতে পারিনি ।

ভব । হাঁ, ভাল কথা মনে হলো, কর্তা ডেপু রেজেন্সী করে এসেই আমার কাঁধে হবে ; কখনোত বাবী মরেনি, কি করে কাঁধে হয় জানিনি, অন্তত কায়দা কাঁধে পাড়বেনো ।

বিশ্বে । ও সোবা । আমার বাবী মরতে, কখনো এসে

অডিকলোম দিয়ে মুখে দিলুম, অডিকলমের ঝাঁজে চোক
দে জল পড়তে লাগলো, আর ফোঁপাতে লাগলুম।

ভব। থ্যাঙ্ক্‌ইউ! বড় বাধিত হলেম!

বিশ্বে। তবে ভাই এখন চল্লুম। আমার দাঁড়াবার জো নেই,
এগুনি ক'নে দেখতে আস্বে।

ভব। একটু দাঁড়াও, আর একটা পরামর্শ জিজ্ঞাসা করি। কর্তা
ব'লছে যে মরণ বাঁচনের কথা তো কিছু বলা যায় না,
এক সঙ্গে মুখ অগ্নিটা করে রাখবে।

বিশ্বে। তা মুখো অগ্নি কর করবে, খবরদার শ্রাদ্ধটা কণ্ঠে
দিওনা।

ভব। কেন বল দেখি, কেন বল দেখি?

বিশ্বে। না, আর একটা বে আগে হোক।

ভব। তেমন কি কপাল দিদি, তেমন কি কপাল! কর্তা কি
আর সত্যি সত্যি মরতে পারতো না, তা কৈ রাজি
হয় কৈ! ছোটো বে আমার বরাতে নেই আমি
বুঝেছি।

বিশ্বে। কেন, কর্তার শ্রাদ্ধ হলেই তুমি বে করতে পারবে, আইনে
বাধবে না।

ভব। ভা তুমি বে থা করে এসো, এ গোলমাল গুল চুকে যাক,
ভারপর যা হয় পরামর্শ করবো।

বিশ্বে। তবে আসি?

ভব। এস দিদি এস।

[বিশেষরীর ক্রয়ান।]

এই যে কর্তা আসছেন!

(নীলাকান্তের প্রবেশ ।)

কি গো ! এত দেরি ?

নীল । কি করবো বল, রেজিষ্টার ব্যাটা আহাম্মুক কোন রকমেই রেজেষ্ট্রী কর্ত্তে চায় না । আর সে ব্যাটার যে কথা, কে মরেছে, কি সে মলো, ব্যাটা যখন চোটপাট্ শুন্লে তখন থ হয়ে রৈল ।

ভব । তুমি কি বল্লে, তুমি কি বল্লে ?

নীল । বল্লেম, আমি মরেছি, চুরট খেয়ে ।

ভব । তা এইতে এত দেরি ?

নীল । না, আর পাঁচজন বন্ধুবান্ধবকে নেমন্তন্ন করে এলুম, ছিষ্টধর বলেছে, শ্রাদ্ধ পর গার্ডেন পাৰ্টি হবে ।

ভব । বল কি ! তবে আমরা তো ছ পাঁচ জন বন্ধু বান্ধবকে বলতে হবে, আমি এই বেলা বেরিয়ে পড়ি ।

নীল । দাঁড়াও, পুরুষ ঠাকুর আসুন, তিনি বলেছেন তোমার মুখঅগ্নির পর তোমার শ্রাদ্ধ বন্ধ থাকবে না ।

ভব । তুমি কি আমারও ডেথ্ রেজেষ্ট্রী করে এসেছ নাকি ?

নীল । করলুম বৈ কি ! এবারে বড় রেজেষ্ট্রার ব্যাটা জন্ম হ'ল । মুদ্রফরাশকে কিছু দিয়ে, একটা কলেজের মুদ্র দেখিয়ে বল্লুম এই আমার স্ত্রী ।

ভব । হিঃ তুমি বড় অসত্য ! আমি চল্লুম, আমি কাটিয়ে আসি গে, আমি কি ওম্নি অসত্য মরণ মরবো ?

নীল । তুমি আমার তেমনই পেলে বটে ! দেখে এস গে এখনো লাস্ জলে নি, আগে গাউন পরিয়ে তবে লাস দেখিয়েছি ।

ভব। তাই তো বলি, তাইতো বলি, তুমি কি এমন অসভ্য কাজটা করবে !

(পুরোহিতের প্রবেশ)

পুরো। কি গো! তুমি আবার কি অমত করছো? মুখ-
অগ্নির পর কি শ্রাদ্ধ বন্ধ থাকে? শ্রাদ্ধ কর্ত্তেই হবে।

ভব। তা যা ভাল বোঝেন, কিন্তু আমার একজন বন্ধুর বড়
অমত, সে বলে আর একটা বের পর তবে তোমার
শ্রাদ্ধ ক'রো।

পুরো। তা, শ্রাদ্ধের পরও বে চলবে।

ভব। তাহ'লে আর আমার আপত্তি নেই।

পুরো। তা এস, ছিটিধর আসছে, মুখঅগ্নিতে এখন সেরে
যাই। ভাবছি আজ রাত্রেই শ্রাদ্ধটা সারবো। কাল
আবার একটা বে দিতে হবে।

(ছিটিধরের প্রবেশ)

ছিটি। বাবা! বাবা! প্যাসেজ্ এন্‌গেজ্জ করে এলুম।

ভব। পুরুৎ ঠাকুর বলছেন আজি তোমায় শ্রাদ্ধটা সারতে
হবে।

ছিটি। বেশ কথা, কাজটা সেরে রাখাই ভাল। পাঁচ জন
বন্ধু বান্ধবের সঙ্গে দেখা করবার কাল ফুরসৎ পাব।

পুরো। তবে মুখঅগ্নি করবে এস।

ছিটি। এই খানেই হোক না, আমার ঠেঁয়ে লুসিফার ম্যাচ
আছে।

পুরো। তবে ছুট আলো, ছুজনের মুখে দাও ।

(ছিটিধরের তথা করণ)

তবে কাচা গলায় দিয়ে বাইরে এস ।

ছিটি। আর কাচা গলায় দিতে হবে না, আমার ঠেঁয়ে কালো ফিতে আছে ।

পুরো। ওঃ ! “উত্তোগী পুরুষো সিংহ” এমন নৈলে ব্যাটা ?

তবে বাইরে এস, শ্রদ্ধটা সেয়ে যাই । তোমাদের আর

কি, মুখঅগ্নি হোয়ে গিয়েছে, যে যার কাজে যাও ।

ব্রাহ্মণ ভোজনের উজ্জুগ করগে ।

[পুরোহিত ও ছিটিধরের প্রস্থান ।

নীল। গিন্নি একটা কথা ভাবছি ।

ভব। আমিও ভাবছি ।

নীল। কি বল দেখি ?

ভব। তুমি বল দেখি ?

নীল। ভাবছি ফ্যান্সি বাজারে যাব ।

ভব। ভাবছি বরের নীলেমে যাব ।

নীল। বরের নিলেমে যাবে কি কত্তে ?

ভব। তুমি ফ্যান্সি বাজারে যাবে কি কত্তে ?

নীল। তুমি কি বর কিন্বে ?

ভব। হঁ । তুমি কি কনে কিন্বে ?

নীল। হাঁ

ভব। বেশ কথা

নীল। বেশ কথা । তবে এস ছুজনে কাঁদি ।

ভব। নাও এঁটে এসবকিছু দেখাও না ।

নীল। হয়েছে ?

ভব। অনেকক্ষণ। আমি চোখের কমাল খুলেছি।

নীল। আবার কি ভাবছো ?

ভব। ভাবছি, আইনে বাধবে কি না।

নীল। না বাধবে না, ডেথ্ রেজেষ্ট্রী হয়েছে গিয়েছে।

ভব। ঠিক!—ওড় বায়।

[উভয়ের লেক্‌হাণ্ড ও প্রস্থান।]

চতুর্থ দৃশ্য ।

ওল্ডকোর্টহাউস স্ট্রীট বা লালদিঘীর ধারের রাস্তা ।

কুলাঙ্গনাগণ—

গীত ।

ফ্যান্সি হয়েছে যাব ফ্যান্সি বাজারে ।

ফ্যান্সি ধাঁজে, ফ্যান্সি কাজে, ফ্যান্সি বাহারে ॥

ফ্যান্সি আছে যার,

দেখতে যাবে সে ফ্যান্সি বাজার,

ফ্যান্সি দরে কিনে নেবে ফ্যান্সি ফুলের হার,

ফ্যান্সি কার্পেটের জুত দেব ফ্যান্সি হয় যারে ॥

ফ্যান্সি হেসে কেউ যদি সেই ফ্যান্সি কথা কয়,

ফ্যান্সি চোকে দেখবো চেয়ে ফ্যান্সি যদি হয়,

ফ্যান্সি নৈলে নয়,
ফ্যান্সি প্রাণে সয় কি লো সই,
যে না ফ্যান্সির ধার ধারে ॥

পঞ্চম দৃশ্য

বিবাহের সভা ।

(সর্কেসর, শশীভূষণ ও দিম্বর প্রবেশ ।)

সর্কেস । মশায়, নশিরাম বাবুর মাতুল ?

শশী । আজ্ঞে হ্যাঁ, আর ইনি আমার বন্ধু ।

দিম্বর । ইনি ব'ললেন চল কত্রে দেখে আসি, এলেম সঙ্গে ।

পাত্রীটী আপনার কে মশাই ?

সর্কেস । আজ্ঞে, আমার পরিবার ।

শশী । ওহে, কি বলে কি ?

দিম্বর । আরে, কথার ভাব বোঝনা, ভুল্ললোকের সঙ্গে কথা
কইতে লাও ! উনি বলছেন, আমার পরিবারস্থ ! তবে
বুঝি পাত্রীটির পিতা নাই ?

সর্কেস । আজ্ঞে না, তিনি আজ ত্রিশ বৎসর পরলোক গমন
করেছেন ।

শশী । ওহে, কি বলে কি এ ?

দিম্বর । তুমি বৈদ্যহিষ্ট, তোমার সঙ্গে পরিচয় ক'রুন ।

আমরা ওসব বুঝি। মশাই, এ সব আয়োজন কি দেখতে পাচ্ছি ?

সর্কে। আজ্ঞে, নান্দিয়েথের আয়োজন ।

দিহু। দেখ শশীভূষণ, আমি বুঝতে পেরেছি, ইনিই তোমার বৈবাহিক । লোকটা দেখছি স্মরসিক, তোমার সঙ্গে পরিহাস ক'চ্ছে ।

সর্কে। আপনি কি বলছেন মশাই ? পরিহাস ক'রুছি কি ?
নশিরাম বাবু আপনাদের কিছু বলেন্ নি ?

দিহু। নশিরাম আমাদের কত্কা দেখতে পাঠিয়েছে । তা যাক্,
ও সব কথা যাক্, কত্কাটির পরিচয় কি মশাই ?

সর্কে। পরিচয় অতি আশ্চর্য্য ! ইনি বিন্দাবন বিশ্বাসের কত্কা,
তিরিশ বছরে বিধবা হন, আজ দশ বৎসর আমার প্রে-
মিনী, আজ শুভদিনে নশিরাম বাবুর হস্তে অর্পণ
করবো ।

শশী। ওহে দিহু ! বলে কি ?

দিহু। মক্কা ক'চ্ছে ! মক্কা ক'চ্ছে ! বোধ হয় পাত্রীটি
এ'র শালী টালি হবে ! তা বেশ মশাই পাত্রীটি আছেন ।

সর্কে। তিনি আসছেন ।

(বিবেচনী ও কুহুদিনীর প্রবেশ)

উভয়ের গীত ।

দোজ পক্ষের ভাতার ইটি চমৎকার ।

আমার হাক্ সেয়ার, আর হাক্ সেয়ার পেয়েছে

এই মাইডিয়ার সিস্টার ॥

এন্নি ভাতার পেলে পরে পর,
বছোর বছোর সাজ্‌বো কণে, পাব নতুন বর,
ওগের নিধি ভাতার খুব জবোর,
এমন মুরুকি ভাতার আর কি আছে কার ।
ভাতারের শুধ্‌বো কিসে ধার ॥

দিম্ব । দেখছে দেখছে, বলেছিলাম এঁরা সব সুরসিক লোক ।

এ দুটী কি নর্তকী ?

সর্কে । কি ! এঁরা আমার পরিবার ।

দিম্ব । তা বটে ।

শশী । ও দিম্ব ! আজ বিভ্রাট দেখছি ।

দিম্ব । আঃ ছিঃ ! তুমি মকরা বোঝ না ?

সর্কে । বড় ডিয়ার !

বিখে । হাক্‌ডিয়ার !

সর্কে । ইনি তোমার মামাশুশুর, এঁর সঙ্গে সেক্‌হ্যাও কর-

বিখে । গুড্‌মর্নিং ! আর হাক্‌ডিয়ার ইনি কে ?

সর্কে । উনি গুর বন্ধু ।

কুমু । সিস্টার ডিয়ার !

বিখে । সিস্টার ডিয়ার !

(উভয়ের আলিঙ্গন)

শশী । ওহে দিম্ব চলো, বড় বিভ্রাট !

দিম্ব । ঠাড়াও ঠাড়াও অভিনয়টা দেখি । এহুটী কি থিয়েটার-

থেকে আনা হয়েছে ?

সর্কে। কি! আমার পরিবারের সাম্নে অশ্লীল কথা আপনি
উচ্চারণ করেন?

শশী। কেন মশাই থিয়েটার কি অশ্লীল কথা হলো?

সর্কে। খুব অশ্লীল! আপনি যদি নসিরাম বাবুর মাতুল না
হতেন তো টেরটা পেতেন।

দিমু। শশী বুঝলে, এও একটা অ্যাক্টার।

সর্কে। মশাই বড় শক্ত শক্ত বলছেন আমার।

দিমু। না বাপু না, নাচ গাওনা কি করবে কর। ওগো
বাছারা তোমরা অভিনয় শুরু কর।

সর্কে। বড় ডিম্মার! আমি এ উজ্জ্বলের কথায় খুব রাগছি।

বিশ্বে। রেগো না প্রাণনাথ, রেগো না।

সর্কে। আচ্ছা রাগবোনা, আমি গম্‌ খেয়ে বসি।

দিমু। হাঁ বাছা তোমাদের পালাটা কি?

বিশ্বে। বিবাহ পালা।

শশী। ওহে পালাই চলো। বুঝছেন না এই বেটাই কণে।

বিশ্বে। পালাবেন কেন? যদি অনুগ্রহ করে এসেছেন, বে
দিয়েই ঘরে নিয়ে চলুন।

(নেপথ্যে ঐক্যতান বাদন।)

সর্কে। বড় ডিম্মার! বুঝি তোমার বর আসছেন।

কুমু। উলু—উলু—উলু—উলু—

দিমু। হ্যাঁগা এঁর এ বেশ কেন?

সর্কে। উনি ঘোড়ার চড়তে যাবেন।

দিমু। ইনি কি সার্কাস করেন?

সর্কে। ছোট ডিম্মার! খুব রাগছি।

কুম্ভ। তুমি ভারি ঠুপিড্ তাই রাগ্ছো। আমিতো সার্কাস
করবোই, তবে সিস্টার ডিয়ারের বে, এই জন্তেই
এতক্ষণ বাড়িতে আছি।

(নসের প্রবেশ।)

শশী। ও দিমু! এ যে আবাদের ব্যাটা নসে হে!

দিমু। বাঃ বাঃ! বড় ঠিক সেজেছে!

শশী। আরে সেজেছে কি? সেই আবাদের বেটা দেখ্চ না?
নসে। হাজরা মশায়! কনে ভো দেখিয়েছেন, শিগ্গির সম্প্র-
দান করুন।

দিমু। ওহে শশী! আমি কিছু বুঝতে পার্চি নে।

শশী। আর বুঝ্বে কি, আমার শুধীর পিণ্ডি! ও বেটা এ
বুড়ীকে বিয়ে করবে তবে ছাড়বে! ও আবাদের বেটা!
তুই এই মাগীকে বিয়ে করবি নাকি?

নসে। মামা তার আর সন্দেহ রাখ?

দিমু। ও বাবু ও হাজরা মশায়! এখন আমি সব বুঝছি। তুমি
বড় মাগটির বে দেবে? আর ছোটটির?

কুম্ভ। আমি বরের নীলম থেকে একটা দেখে শুনে নিয়ে
আসবো।

দিমু। ও বাছা এদিকে এসতো, এদিকে এসতো! বরের
নীলমটা কি শুনি?

নসে। দেখতে যাবেন, আপনাকে টিকিট দেবো।

শশী। ঐ নসে বেটা নীলম করেছে! আমি বলি কিসের
নীলম!

দিমু। তবে চল আর কি, চুড়োস্ত হ'লো!

নসে। মামা যেওনা যেওনা, আর বেশী দেরি নাই, উনি
৫ মিনিটের ভেতর নান্দীমুখ সেরেই কত্থা সম্প্রদান কর-
বেন। এই যে পুরুষ মশাই এয়েচেন।

(পুরোহিতের প্রবেশ।)

দিম্ব। মশায় বৃদ্ধি এই বিবাহের পুরোহিত ?

পুরো। কেন, আপত্য কি ?

দিম্ব। এ রকম বিবাহ আর কটি দিয়েছেন ?

পুরো। আপনি আমার সঙ্গে ব্যঙ্গ করছেন ? আমার
চেনেন না, আমি স্থিতিরত্ন, নূতন স্থিতি ক'রেছি তাতে
সম্পূর্ণ ব্যবস্থা আছে যে, কত্থা সম্প্রদান করতে পারে এক
বাপ্, আর স্বামী।

নসে। মামা, মামা, ইনি বড় উচুদরের পণ্ডিত, ইনি বড় উচু-
দরের পণ্ডিত, এঁর সঙ্গে তামাসা না।

দিম্ব। তবে পুরোহিত মশায় ! স্বামী কত্থাকর্তা হ'লে বরের
সঙ্গে কি সুবাদ হবে ?

পুরো। অতি আশ্চর্য্য সম্বন্ধ ! একুপ সম্বন্ধ কেউ কখন
শোনেনি, ভায়রাতাই শব্দর !

দিম্ব। পুরুষ মশাই ! আপনি বেঁচে থাকবেন তো ?

শশী। এরা কেউ মরবে না ! কেউ মরবে না ! তা
তুমি দেখো !

পুরো। তুমিতো দেখছি খুব মেধাবী ! তুমি একটা কাজ কর,
আমার ব্রাহ্মণীকে বিবাহ কর। তুমিও অমরত্ব পাবে,
দেশে দেশে যশ করবে। এ সব নতুন কারখানা, কোন
দেশে নাই।

দিল্লি। এইটি ভট্টাচার্য মশাই ঠিক বলেছেন! হিন্দু মুসলমানে,
 খ্রীষ্টানে এ আইন নাই!;
 পুরো। এই হিন্দুর ভেতর চলন ক'লেম আমি।
 শশী। ওহে চল চল।
 দিল্লি। আরে দাঁড়াও, তোমরা মাঝা ভাগ্নেতে ক'নে জোটাগে,
 আমার অদৃষ্টে কি হয় দেখি।
 কুমু। তোমার অদেষ্ঠও ক'নে জুটতে পারে।
 দিল্লি। তা কই জুটুক না।
 কুমু। যদি স্বীকার পাও তিন দিনের ভেতর মরবে, আমি
 তোমার ক'নে হ'তে স্বীকার।
 পুরো। মশাই মশাই, স্বীকার পান, স্বীকার পান, মলেনই বা ?
 খুব নাম রেখে বা'বেন।
 নসে। আর ম'রতে কোন কেলেশ হবে না, আমি ইলেক্ট্রিক
 ব্যাটারি দে আপনাকে মারবো।
 সর্কে। উঃ আপনার দেখচি ভারি অদৃষ্ট! আপনার বৈজ্ঞা-
 নিক মৃত্যু হবে।
 দিল্লি। তোর সাতগুটির হোক! ওঠে ওঠে।
 পুরো। কেন, আপনারা যাচ্ছেন কেন ?
 দিল্লি। ব্যক্তি মতিচ্ছন্ন হ'য়েছে, আর কেন।
 সর্কে। সেকি সেকি বখন পদার্পণ করেছেন, কিংবদন্তি
 করে যেতে হবে।
 দিল্লি। তোরপুর আনন্দ হয়ে গিয়েছে, বাবু তোরপুর আনন্দ
 হয়ে গিয়েছে। যে সব কথা সকলে তিন দিন মার
 খেয়ে হবে না টান।

৯৭-২৩
 Acc 23578
 ২০/১/২০২২

কুমু। আপনি আমার ইন্সট করছেন! যদি না বসেন,
আপনাকে চাবুকে দেব।

শশী। ও দিচ্ছ, বোসো, বোসো, বোসো। ছুঁড়ী সত্যি চাবু-
কাবে। আগে পালাতে তো পালাতে, ও মামী তেড়ে
চাবুক মারবে।

পুরো। মশাই রাজি হোন, আমি ব্রাহ্মণীকে ডেকে পাঠাই, এক
দিনে তিনটে শুভ বিবাহ সম্পন্ন হোক।

শশী। নে নে নে কি করবি কর, আমরা ব'সে আছি। পুরুণ
ঠাকুর একটা বে সাক্ষন, তারপর কাল আমাদের বে
দেবেন।

পুরো। আচ্ছা না করেন ভাল। এতে জোর নেই। একটা
নাম রেখে যেতে পারতেন। বোসো হে নসিরাম!
বিশ্বেশ্বরী এস, নাও এখন হাতে হাতে সঁপে দাও, আমি
একটু ব্যস্ত আছি, কাল এসে নান্দামুখ ক'র্বো। নিদে!
এগুলো এখন সরিয়ে রাখ।

(নিদের প্রবেশ ও ব্রাহ্মাদি লইয়া প্রস্থান ।)

বলো এতদিন এ বড় ডিয়ার আমার ছিল, আজ তোমার
হ'ল।

(ভবতারিণীর প্রবেশ ।)

ভব। বিশ্বেশ্বরী! ভাই, আমার শ্রদ্ধা হোয়ে গিয়েছে, আমি
এসেছি।

বিধে। তবে দাঁড়াও হাক্ ডিয়ার! এখন হাতে হাতে
সোঁপো না! আমার ক্রেত ভবতারিণী দাসী হবে।

(নীলাকান্তের প্রবেশ।)

নীল। সর্কেস্বর বাবু! আমার শ্রাক হয়ে গিয়েছে, আমি এসেছি।

ভব। কি তুমি ফ্যান্সী বাজারে গেলে না?

নীল। না, বরষাত্তের নেমন্তন্নটা সেরে যাব। তুমি বরের
নীলেমে গেলে না?

ভব। আমি কল্যাযাত্র সেরে যাব।

পুরো। আপনারা দুজন বর ক'ণে আন্তে যাবেন না কি?

নীল। আজ্ঞে হাঁ।

নসে। কি মশাইদের বিবাহ করবের ইচ্ছে আছে?

ভব। আছে।

নসে। মশাই অনুগ্রহ করে আমার একটা কাজ কর্তে হবে।

আমার নীলেমে তিনটা লাটের অভাব। এড্‌তাটাইজ
করে ফেলেছি, না বর জোটাতে পারলে বড় অপমান
হতে হবে, মামা, আপনি আর এই ভদ্রলোককে আমার
এই উপকারটা করতেই হবে।

পুরো। না, আপনি এইখানেই বিবাহ করুন। আপনি আপ-
নার দ্বিতীয় পরিবারটা ছাড়ুন। আপনি ভবতারিণীকে
নিম্ন, আপনি কুমুদিনীকে নিম্ন, রাজচটক হবে।

নসে। তবে আমার বরের কি হবে?

পুরো। ঐ তো তোমার মামা আর উনি রইলেন।

(বদ্যিনাথের প্রবেশ।)

বদ্য। ছিটখর বাবুকে কুমুদিনী গুঁই মিনেজারিতে ঝেঁয়ে নিয়ে
গেল, তানইলে তিনি আসতেন, কি? বরের দরকার,
তা আমি আছি তর কি নসিরাম বাবু?

শশী । ও দিহু, ধরে যে !

দিহু । ধরে ধরুক্, আমিও মরিয়া হয়েছি, তুমিও মরিয়া হও ।

শশী । আচ্ছা মরিয়া হইলম ।

পুরো । বেশ বেশ, তবে আপনারা বে করুন, আহা রাজচটক
হবে, রাজচটক হবে !

(শশী ও দিহু ব্যতীত) সকলে । বেশ বেশ বেশ ! আপনি
তবে মস্তুর পড়ান ।

পুরো । তোমরা আপনা আপনি মস্তুর পড়ে নাও ।

দিহু । সে কি হয় ! আপনি মস্তুর পড়ান্ ।

পুরো । এ বের এই মস্তুর !

দিহু । এই কথাটি ঠিক বলেছেন !

(সকলের নৃত্য-গীত ।)

কারখানা জমকাল—

এখন চলন হলে খুব ভাল ॥

এই মলো তো এই মলো, বে হলো তো বে হলো,

খুব সোজা ওর বোঝা এ নিলে,

খুব মজা ফের বোঝা এ দিলে,

ক্যা জুং, ক্যা পুরুং কণে বর মজবুং,

উমেদার বর আবার বাকলা হলো উজ্জলো,

মুখ্‌আলো ॥

ষষ্ঠ দৃশ্য ।

রাস্তা ।

(ওল্ড ইয়ার নিউ ইয়ার ও কৃষ্ণমাসের প্রবেশ ও নৃত্য)

(সত্যতার প্রবেশ ।)

সত্যতা ।

গীত ।

তোম্ তোম্ কাষ্ট্ ক্ল্যাস্ নিউইয়ার !

তোম্‌সে কাম্ চলেগা বেহেতর্

ওল্ড ইয়ার নো কিয়ার !

এ তোমরা কাম্,

মেরা বাড়েগা নাম,

তোম্‌কে দেগা এনাম্;

বাড়তে রহো, কাম্ করতে রহো,

বাংলা চায়েন কর, বাংলা মেরি ডিয়ার !

দেখো কৃষ্টমাস্ ভেরি মেরি,

মেরি ময়বি ভেরি,

তোম পিয়ারা মেরা মেরি ল্যাড চেরি !

দিয়া বাংলা তুঝেমে,

খেলো মজেনে,

কেকো কেরার, খেলতে রহো হিয়ার ॥

সপ্তম দৃশ্য ।

সাতপুকুরের বাগান ।

নীলাম ঘর ।

(বিডার (নমে), সেলমাটার, রাইটার, ক্রায়ার, বুককিপার, বেহারী,
বৃদ্ধা, ফিমেল ক্রেতাগণ, বিশেষরী, বরগণ ইত্যাদি ।)

ক্রায়ার । লাট সার্ভেন্টীওয়ান । নিয়ে আর, নিয়ে আর । ও দাঁত
দেখ্‌চেন কি ? পঁচিশের উর্দ্ধ বয়স নয় । পা দেখ্‌তে
হবে না, বেশ নাচতে পারে, থিয়েটারে ক্লাউন সাজ্‌তো,
মাজ্‌খানে সিঁতে, গালে জুল্পি, পাজীর পাজী রোজ দু'তিন
ঘা লাগি মার তাতে রাজী । হাওয়া বেতে নিয়ে যাবার
সাথি আর এমন পাবেন না । সিগারেট ধরিয়ে দেবে,
পাইপ টান্বে, বে কিন্বে তারে মনিব জান্বে ।

১ম স্ত্রী । আট আনা ।

বিডার । গোইং, গোইং, এইট্‌ অ্যানাজ্‌, এইট্‌ অ্যানাজ্‌ ।

বৃদ্ধা । টেন্‌ অ্যানাজ্‌ ।

বিডার । বাড়ুন বাড়ুন, দশ আনার এমন মান্‌ট! বিকিরে
যাচ্ছে ।

৩য় স্ত্রী । এগার আনা ।

১ম স্ত্রী । ইলেন্ডেন হাক্‌ ।

বৃদ্ধা । ইলেন্ডেন আনাজ্‌ প্রি পাই ।

বিডার । পৌনে বার আনার যাচ্ছে পৌনে বার আনার যাচ্ছে ।

ডাকুন ডাকুন, ইলেভেন অ্যানাক্স থ্রি পাই, ইলেভেন
অ্যানাক্স থ্রি পাই। ইলেভেন অ্যানাক্স থ্রি পাই (বিড্)

গাইটার। আপনার নাম কি ?

বুঝা। ধনমণি পোদ্দার।

রাই। কুমারী না বিধবা ?

বুঝা। সধবা।

রাই। তা বুঝি হাওয়া টাওয়া খাওয়ার মতন নিলেন ?

বুঝা। তা বইকি।

রাই। এই টিকিট নিন্, ক্যাম্‌ঘরে টাকা জমা দিন্গে, রসিদ
পাঠিয়ে দেবেন, মাল ডিলিভারি দেব।

বুঝা। দাঁড়াও, আমি আরো মাল কিন্‌বো, একেবারে টাকা
জমা দেবো। কি জানেন্ পাঁচটি স্বামী আমার মারা
গিয়েছে, গোটা পাঁচ ছয় কিনে রাখি, যটা মরে যটা
থাকে।

রাই। তা নিন্ না যটা নেবেন মালের অভাব কি।

জাওয়ার। জাট সাবুটী হু। জেতে চাষা, বজ্জ পোষা, জুত বুরুষ
করে খাসা। ফুলগাছে জল দেবে, ফুলের ডোকা কন্‌বে,
আর চাবুক বা লাথি জবা মার তা খাবে।

১ম স্ত্রী। কাইত্ অ্যানাক্স্।

বুঝা। টেন্ অ্যানাক্স্।

৩য় স্ত্রী। ওয়ান রুপি।

বুঝা। টু রুপি।

বিড়ার। টু রুপি, টু রুপি, টু রুপি, (বিড্)

বুঝা। ওরে মেমো। এই যে বুড়ী বেটীই সব কিন্‌চেনে।

ওগো ও খদ্দের ! শোনো না, ভূমি আমার কিনো, আমি
বড় খাসা বর ।

১ম স্ত্রী । দাঁড়াও, ভূমি আগে লাটে ওঠো তারপর বিবেচনা ।

যুবা । দোহাই বাবা ! ও বুড়ীবেটা না কিনে নেয় !

ক্রায়ার । লাট সাবটী থ্রি । বয়েস আটাশ, ষাট্বেঁ এটওটা ফাই
ফরমাস, গান গাবে, হারমোনিয়ম্ শেখাবে, জ্যুয়েলো
জিকেল গার্ডন দেখাবে । আর হাই সার্কেলে ইন্ট্রো-
ডিয়ুস করে দেবে ।

বৃদ্ধা । টু রুপিজ ।

১ম স্ত্রী । থ্রি রুপিজ ।

বৃদ্ধা । সিক্স ।

বিভার । সিক্স রুপিজ, সিক্স রুপিজ, সিক্স রুপিজ (বিড) !

যুবা । মেদো ! তুই থাক্তে হয় থাক্ আমি আর বরগিরি করবো না ।
হেয়ারা । এই চোপ্ ।

ক্রায়ার । লাট সাবটী ফোর ! দেখ্তে বুড়ো, কিন্তু আটে
পিটে দড় ! গোঁপা বেঁধে দেবে, সেজ সাজাবে, ছারপোকা
মারবে, মশারি সেলাই করবে । আর যদি কেউ তদর-
লাক দেখা কর্তে এসে, তখনি সেখানু থেকে সরবে ।

১ম স্ত্রী । টু পাইস ।

৩য় স্ত্রী । থ্রি পাইস্ ।

১ম স্ত্রী । থ্রি হাপ্ ।

৩য় স্ত্রী । ফোর ।

বিভার । গোইং, গোইং ফোর । ফোর পাইস্, কোর পাইস্ ।

মাইভিন্নার ! বড় সভ্যদের যাকে তুমিই ডেকে রাখ ।

বিশে। না মাইডিয়ার !

বিডার। আরে বোঝোনা ; ডেকে রাখ, মালটা লাভে ছাড়তে পারবে।

বিশে। না মাইডিয়ার ! ও যদি মাল আমি রাখোনা।

বিডার। তবে বোঝো। ফোর পাইস্। (বিড)

রাইটার। আপনার নাম ?

৩য় স্ত্রী। মনমোহিনী কুণ্ড।

রাইটার। সধবা না বিধবা ?

৩য় স্ত্রী। বিধবা।

রাইটার। ভালই হয়েছে। উনিও তেজ পক্ষের।

৩য় স্ত্রী। কি গুঁর ছই স্ত্রী মারা গিয়েছে নাকি ?

রাই। মারা কেউ যার নি। একটা সার্কাস করতে বস্মার গিয়েছে, আর একটি বেশ বিবাহ করেছে। তবে আর বলছি কি, মাল বড় ভাল মাল। আপনি যদি থিয়েটার ক'রতে যান্ ম্যানেজারকে রেকমেণ্ড করবে। ক্যাস্ যয়ে পরসা জমা দিন, রসিদ পাঠাবেন, মাল ডিলিভার দেব।

ক্রায়ার। লাট্ সাবুণ্টীফাইড। এটির বয়েশ পাঁচ বছর, হইস্কী টানে খুব জবোর, কথা কর হেসে হেসে, যে কিন্বে তুলে রেখো গেলাশ কেশে।

কুদে বর—

গীত।—

হাম্‌টা ডাম্‌টা টম্‌টা টম্‌।

কাম্‌ লেডি কাম্‌, খাশা বন্‌ হ্যার হাম্‌,

লাল্‌লালা তারা তারা তারা রাস্‌ তারা তারা তারা না।

টেঙ্ মাই হ্যাও ওল্ড্ লেডী ফেয়ার,
 ছয়া ক্যাসা খাশা পেয়ার,
 লেট্ আস্ বি জলি, কাম ওল্ড্ পলি,
 কিস্মি কুইক্ নো ডিলিড্যালি,
 লাল্ লালা সা নি ধা পা নি সা সা,
 তারা রা রা রা তারা রা রা রা ॥

জোরার। এ বরের বড় বেশি দর। বড় বেশি দর।
 পঞ্চাশ টাকা বাধা, বিট্ তার ওপোর। তা দেখুন,
 আপনারা সব শেয়ারে নিন্, এক এক উইক্ এক
 এক জন গেলান্ কেশে রেখে দিন।

ফিমেলগণ। লাটে চড়াও, লাটে চড়াও।

বৃদ্ধা। কি, বিড্ করবে? পারবে না।

ফিমেলগণ। আমরা শেয়ারে নেব, আমরা শেয়ারে নেব।

বৃদ্ধা। আচ্ছা লাটে উঠুক, আমার বিড্ সিক্স্টি রুপিজ্।

ফিমেলগণ হাওেড।

বৃদ্ধা। বড় বেশি দর হলো।

বিডার। গোইং গোইং, হাওেড্, হাওেড্, হাওেড্, (বিড্)

সুদে বর। আমি বাবনা। আমি একে ছেড়ে বাব না।

খুব হইকী খায়।

এক ফিমেল্। এস যাচ্ছ এস! আমি কেক্ দেব।

সুদে বর। না, মাউন্ট রোষ্ট আর হইকী।

এক ফিমেল্। এই নাও। আমার কেটীংয়ে বসো গে।

সুদে বর । আর লেগ্ মটোন্ ।

এক ফিমেল । এই নাও ।

সুদে বর । আর ডাইনীং নাইফ, ডাইনীং কর্ক, কর্ক স্কু ।

এক ফিমেল । এই নাও ।

সুদে বর । আর টাঙ্কার গেলান ।

এক ফিমেল । এই নাও ।

সুবে বর । আর মোডাওয়াটার ।

এক ফিমেল । এই নাও ।

রুকা । এর বয়েস কত ?

যুব-বর । যত হোক না, তোর বাবার কি ? খবরদার গায়ে হাত

দিম্ নি । তোর বরগিরীর মুখে মারি বিশ্ লাখি !

বেহারী । চোপ্ চোপ ।

যুব-বর । চোপ রাও । ওঙ্কা হটায় লেও । হাম কামড়ারেগা ।

বেহারী । আরে চোপ্‌রাও, চোপ্‌রাও ।

যুব বর । আজ খুনোখুনি হবে । নেইরহেঙ্গে ! ছোড় দেও
ছোড়দেও !

[ঈল কাঁধে করিয়া পলায়ন ।

বেয়ারাগণ । পাক্‌ড়ো, পাক্‌ড়ো । (পশ্চাৎদ্বার)

ফিমেলগণ । (গীত ।)

খেংরা মারো অকসানে ।

কে জানে আস্তো কে এখানে ॥

মালগুলো পালালো, সয় বল কার প্রাণে ॥

সুদেবর । মাইতিয়ার ভোপ্টক্যার এই আছি ।

ফিমেলগণ । এই কচি, বখরাদার এর আবার ।
 বিভার । কে বিভার ? আমরা ক্লেষ লট্ এবার ।
 সেলমাষ্টার । সেল্ মাষ্টার,
 বুক্কিপার । বুক্কিপার,
 দেয়ারার । বেয়ারার,
 বিখে । কে শোনে, রদিমাল কে কেনে ।
 মহিলাগণ । ভারি খেদ, ছেল জেদ,
 পাঁচটা লাট্ বিট দেবো মাল নেবো,
 সাজিয়ে রাখবো বাগানে ।
 কেটিনে নিয়ে যাব ময়দানে ॥

অষ্টম দৃশ্য ।

রাস্তা ।

কুম্ভাস ওলুইয়ার নিউইয়ার । বড়দিনের খেদ্ ।

নবম দৃশ্য ।

ঐশ্বর্য ঋতু ।

(নায়ক-নায়িকার গীত ।)

টলে লালরবি, টলে লাল রবি ।

লাল তোমারি বদন ছবি ॥

লাল আভা নয়নে, গগনে লাল মেঘদল,

রবি টলে, টলে টলে ঢলে জলে ;

চাহি ফটিকজল চাতক কাতর,

থাকি থাকি পাখী সক্রুণ বোলে,

দে জলদে কত নিদয় হবি !

পাখী কহিছে ছলে,

চাহ ফটিক জল দারুণ ভূষা কেন সহ ;

চ্যুত লতিকাদল ধীর সমীরে দোলে,

ডাকি কহে পাখী ছলে,—

পিও পিও বারি মোহন মোহিনী,

হের মোহিনী মাধুরী মাধবী ॥

(রসদার রসবারী রস ।)

বর্ষা ঋতু ।

(নায়ক-নায়িকার গীত ।)

গভীর মেঘদল গরজে ।

বাজে বাজে প্রাণে, থেকনা থেকনা,

থেকনা থেকনা দূরে,

চাহি চুমিতে মুখ সরোজে ॥

চমকি চাকিচুকি, চমকি চমকি লুকি

চপলা, মন উতলা,

নীরদ ঢালিছে ধারা তর তর ঝর ঝর,

চমকি শিহরি ঘন, নয়ন নীর ধারা নেহার,

কাতর কুলিস কঠোর কত বাজে ।

বাজে বাজে, না ছেনে না বুঝে তোরি প্রেমে মজে ॥

(রত্নদার-রত্নদারগীর-রত্ন ।)

শরৎ ঋতু ।

নায়ক-নায়িকার গীত ।

মেঘে আর চাঁদ ঢাকে না ।

বদন খানি আর ঢেকনা ॥

চাও হে চাও দেখি আঁখি,
 ফুটলো কলি ঐ দেখনা ॥
 সোহাগে কইছে কথা তরুণতা,
 কেন ব্যথা দাও বলনা ॥
 ছলনা আর কোরনা,
 রাগের ভরে আর থেকনা ॥
 কোরনা পর কোরনা,
 সাধের শরত বাদ সেধনা ॥
 হাসবে কমল হেরে হাসি,
 শশির হাসির মান রেখনা ॥

(রসদার রসদারীর রস ।)

হেমন্ত ঋতু ।

নারক-নারিকার গীত ।

তোরি আশে ।

হের বেশভূষা পরি দাঁড়ারে রয়েছে উষা,
 হেরিতে সাধ তব স্নজিত অধরে,
 আদরে এখন দাঁড়ারে উষা তোরি তরে,
 তোরি আশে ।
 প্রাণ মন মন আশে বিলাসে, ভাসে ভাসে ॥

নীহার হার পরি, বার বার তর তর-
 বারিছে মুকুতা পাঁতি,
 রঞ্জিত কুমুদিত রমিত মোহিত বনরাজি ;
 হেমন্ত হিল্লোলে, হেমশির্ষ দোলে,
 প্রাস্তরে সুরঙ্গ মালা,
 হেলা দোলা, অঙ্গ তরঙ্গিত,
 হেরিতে পিয়াস বিভোলা ;
 কপোত কপতী কত সোহাগে কহিছে কথা,
 ব্যাকুল খেলিতে ভাসিতে সমিরে,
 হেমকিরণ মাখি সাজি ;
 পাখী জাগে,
 মাতি তরুণ রাগে গাইছে,
 পবন কাকলি বহে,
 গায়িছে পাখী অনুরাগে ;
 ছবয়ে তোমারে ধরি,
 বদন রাগ হেরি,
 নয়নে নয়ন অভিলাষে ॥

(রঙ্গদার রঙ্গদারবীর রঙ্গ ।)

শীত ঋতু ।

নায়ক-নায়িকার গীত ।

হের ধূসর দিশা ।

ধূসর ধূমরাশি নিবিড় কুয়াশা—

আদরে করিছে মানা,

যেওনা যেওনা নিশা,

যুবক যুবতী সাধ রহিল,

রহিল তোমারি বিধুমুখ সূধা পান তৃষা ॥

বরিষা ইরিষা করি ধূসর রেণু কত উড়িছে ঝরিছে,

কিশোর অরুণ কর বারিছে ;

লোহিত সিত পীত তরে তরে ফুল কলি,

তারকা মেঘ ঢাকা ;

না হেরি উষা ব্যাকুল পাখী,

শাখা শীরে বসি রহি রহি বোলে,

চ্যুত মুকুল দোলে কিরণ চুম্বন আশা ॥

চঞ্চল চিত মম নয়ন কিরণ তব চুমিতে পিপাসা ॥

(রঙ্গদার রঙ্গদারগীর রঙ্গ ।)

বসন্ত ঋতু ।

নাগক-নাগিকার গীত ।

স্বরে তোর মন মেতেছে কোকিলে ঐ কুহরে ।

গাঁদা গোলাপ হার গেঁথেছে,

চেয়ে আছে তোর অধরে ॥

কিশলয় কাঁপিয়ে মলয়,

তোর কথা কয় আমোদ ভরে,

বয় ধিরে সৌরভ বয়ে,

গা ছুঁয়ে তোর যায় আদরে ॥

গুঞ্জে ঐ ভ্রমরা ফুলে টলে ধায় বিভোরে,

চায় তোরে মন বিভোরা,

আঁখি বিভোর হেরে তোরে ॥ ১

(রসদার-রসদারীর রঙ্গ ।)

দশম দৃশ্য।

পশুশালা।

কিপার কিপারেস্ প্রভৃতি গীত।

সকলে। তামাসা চল্তা হায় বহু উম্মদা।

হোগা কায়দা, দেখো হিঁয়া ক্যাসা জুদা কায়দা ॥

পু-গণ। জানি মস্তি ছয়া,

জীগণ। কেতনা কুস্তী কিয়া,

সকলে। ট্রাপেজ প্যারালেল্ বারমে ক্যা কহে তুমে,

উল্টি পাল্টি লট্ লট্ লুটী তব্ ছুটী,

জীগণ। উনে কিরা খায়া,

পু-গণ। জানি না হায়রাণ ভয়া,

জীগণ। যেসা সেইয়া পেরায়া,

পু-গণ। পিয়ারি যেসি জানি মেরা,

সকলে। খেলে গা জানোয়ার মাঝি মরদা।

কিপার। আমাদের প্রথম তামাসা—সংস্কারক বুঝ ও গাভী।

(বুঝ ও গাভী লইয়া বেহারার প্রবেশ।)

গাভী। মাইভিয়ার বল ! তুমি আর ঘাস খেওনা।

বুঝ। মাইভিয়ার কাউ ! তুমি আর হুঁ দিওনা।

গাভী। না হুঁ দেব না, তুমি বল ঘাস খাবে না ?

বৃষ । না ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এসো সেক্ষাণ্ড করি । মাইডিয়ার বুল ! তুমি উলঙ্গ
ষাঁড় দেখলে গুঁতিও ।

বৃষ । মাইডিয়ার কাউ ! তুমিও উলঙ্গ গাভী দেখলে
গুঁতিও ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এস সেক্ষাণ্ড করি । মাই ডিয়ার বুল ! জবাই
হইও, অমনি মরনা ।

বৃষ । মাইডিয়ার কাউ ! তুমিও জবাই হইও অমনি মরো
না ।

গাভী । না ।

বৃষ । না ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এস সেক্ষাণ্ড করি । মাইডিয়ার বুল ! এখন ত'মলে,
আর কি করবে ?

বৃষ । মাইডিয়ার কাউ ! তুমিও তো মলে আর কি করবে ?

গাভী । তাই তো !

বৃষ । তাই তো !

গাভী । প্রতিজ্ঞে ?

বৃষ । প্রতিজ্ঞে ।

(উভয়ের গীত ।)

রিফর্মার আমরা দুজনে ।
 দুজনে প্রথমে দেখা ময়দানে ॥
 তর্ক প্রথম অবসিনিটি নে,
 তার পর কোর্ট-সিপ করে বে,
 তার পর শুল্লে প্রতিজে,
 শুল্লেন তো গুণ, এখন মানুন না মানুন,
 যত বাঁড় আছে আর গরু আছে,
 আমাদের খুবজানে, খুবমানে ॥

কিপার । আমাদের দ্বিতীয় ভাসান—অধ্যাপক গদ্বভ ।

(গদ্বভ লম্বা দেহাচার প্রবেশ ।)

গদ্বভ ! আমার এমন স্ত্রী গড়ন ছিলনা । মাথাটা গোল, মুখ
 খানা চেপ্টা, দুপায়ে হাঁটুহুম, পায়ে নাছি বস্লে একটা
 লেজ নেই যে তাড়াই ।

কিপার । আচ্ছা তবে এমন স্ত্রীম চেহারা হলো কিসে ?

গদ্বভ । ছেলে বয়সে এক বোঝা বই মাপার চাপালে, মাথাটা
 চেপ্টে গেল । চড়িয়ে মুখ লম্বা করলে । তার পর
 পিটের ওপর ছ ছালা বই দিতেই ভম্ভি খেয়ে পড়লুম,
 চার পায়ে হাঁটতে শিখলুম । কান্ধটো টেনে টেনে
 লম্বা হলো, আর লেজ বেরলো আপ্নি ।

কিপার । ডাক্তারে শিখলে কি করে ?

গদ্বভ । ও লেজও বেরনো ডাকও খোল !

কিপার। এখন কি করবে ?

গর্দভ। ট্রেনিংস্কুল।

কিপার। তার পর ?

গর্দভ। যারা ভর্তি হবে তারা ঠিক আমার মতন হয়ে বেক হবে।

কিপার। তারা কি করবে ?

গর্দভ। ঘাস খাবে, ধোপার বোঝা বইবে, আর বেগাড়া ডাক ডাকবে।

গর্দভ।

গীত ।

কে আসবে আমার স্কুলে ।

যাবে তিন দিনে তার লেজ ঝুলে ॥

আমার এমনি কসে টান্,

একটানে তার লম্বা হবে কান্

চলবে চারটি-খুরে,

গলাবাজী করবে জোরে,

ফুলে ফুলে ঘাড় তুলে ॥

কিপার। আমাদের তৃতীয় তামাসা—স্মার্ত বানর বানরি ।

(বানর বানরী লইয়া বেহারার প্রবেশ ।)

বানরি। প্রত্যেক বানর ও বানরি কি মানুষের অনুকরণ
করিতে বাধ্য ?

বানর। বাধ্য। কারণ বিজ্ঞান মতে তারা স্বভাৱ ।

-
- বানরি । চুরি করতে বাধ্য ?
- বানর । বাধ্য ।
- বানরি । বড় বানরের লেজ ধ্বংসে বাধ্য ?
- বানর । বাধ্য ।
- বানরি । ঝগড়া করতে বাধ্য ?
- বানর । বাধ্য ।
- বানরি । দাঁত খিঁচুতে বাধ্য ?
- বানর । বাধ্য ।
- বানরি । আঁচড়াতে কান্দিতে বাধ্য ?
- বানর । বাধ্য ।
- বানরি । বানরি বানরকে লাগি মারিতে বাধ্য ?
- বানর । বাধ্য ।
- বানরি । ডাইভোর্স অর্থাৎ ফারখৎ করিতে বাধ্য ?
- বানর । বাধ্য ।
- বানরি । এখনি বাধ্য ?
- বানর । বাধ্য ।
- বানরি । তবে যাও ।
- বানর । আচ্ছা চলুন, দেখি এমন বানর কোথা পাও ।
- বানরি । আরে নাও নাও, তোমার মতন ধাড়ী বানর গণ্ডা
গণ্ডা । যে দিকে চাও, দেখে নাও, আমি দেখবো
কোথা বানরি পাও ।
- বাদর । অতাব কি ? রাস্তায় ঘাটে মাঠে—
- বানরি । তবে ডাইভোর্স ?
- বানর । ডাইভোর্স ।

উভয়ে গীত ।

দুজনে ছিলাম রেতে দুডালে ।

হোলো শুভ দৃষ্টি সকালে ॥

দুপুর বেলা এক ডালে বসে,

সৃজনে পাতা ঠুসেছি ক'সে,

কিচি কিচি দুপুর থেকে

ফারখৎ হলো বিকেলে ॥

কিপার । আমাদের চতুর্থ তামাসা—ভলেন্টীয়ার ভেড়া ।

(ভেড়া লইয়া বেহারার প্রবেশ ।)

কিপার । তুমি লড়বে ?

ভাড়া । লড়বো ।

কিপার । কার সঙ্গে ?

ভাড়া । কার সঙ্গে না, আপনা আপনি ।

কিপার । ঘোড়া চড়বে ?

ভাড়া । চড়বো ।

কিপার । কি ঘোঁড়া ?

ভাড়া । কাটের ঘোড়া ।

কিপার । বন্দুক ছুড়বে ?

ভাড়া । ছুড়বো ।

কিপার । কি করে ?

ভাড়া । চোক বুজে ।

কিপার । ঘোড়া থেকে পড়বে ?

ভ্যাড়া । পড়বো ।

কিপার । কখন ?

ভ্যাড়া । বন্দুক ছুড়বো যখন ।

কিপার । যদি কেউ লড়াই করতে এসে ?

ভ্যাড়া । তা আমার কি ? দৌড় মারবো ক'সে ।

কিপার । তোমার মত ভ্যাড়া ভলেন্টিয়ার কটা আছে ?

ভ্যাড়া । এক পাল ভ্যাড়া, এমনি সিং মোচড়া, এমনি যোকে
এমনি তাল্ ঠোকে, যদি কারু সাড়া পায়, এমনি
চার পা তুলে পালায় ।

কিপার । দাঁড়াও দাঁড়াও, একটি গান গাও ।

ভ্যাড়া ।

গীত ।

শেম শেম, কাউয়ার্ড নেম,

রাখবো না আর ভ্যাড়ার পাল ।

তোষ দান বাঁধা বন্দুক কাঁধা,

ভারি মিলিটারি চাল ॥

রাগে ফাটি, বাটী বাটী আমানি খাই সাঁজ সকাল ॥

লড়তে এলে বন্দুক ফেলে চার পা তুলে

পেরুই খাল ॥

হরদম্ হরদম্ রেগে লাল, পুরু ছাল ॥

কিপার । আমাদের পঞ্চম তামাসা—হাড়গিলে কমিসনার ।

(হাড়গিলে লইয়া বেহারার প্রবেশ ।)

কিপার । যখন এসেছ পরিচয় দাও, তুমি হেথায় কেন ?

হাড়গিলে । আমার চেন ? আমার জান ? আমি হাড়গিলে ।

কিপার । নামটি কোথা পেলে ?

হাড়গিলে । সায়েবদের এঁটো হাড় গিলে গিলে ।

কিপার । কোথায় থাক ?

হাড়গিলে । টেক্সর বিলে ।

কিপার । কেন এয়েছো ?

হাড়গিলে । কমিসনার হব বলে ।

কিপার । তা হেতায় এয়েছ কি করতে ?

হাড়গিলে । ভোট নিতে ।

কিপার । কমিসনার হোয়ে কি করবে ?

হাড়গিলে । দেখছো জুটো ঠোঁট ?

কিপার । দেখছি ।

হাড়গিলে । শুনেছ খাই এটোঁ হাড় ?

কিপার । শুনেছি ।

হাড়গিলে । এখন রেয়োতের হাড় মাস খাবো ।

কিপার । তা পারো পারো ।

হাড়গিলে

গীত ।

আজ ভোট দিয়ে কাল ওপারে যেও উঠে ।

বাজাবো ঠোঁটে-ঠোঁটে, নেব লুটে পুটে ॥

বলি ভালোয় ভালোয়,

পান্নাও আলোয় আলোয়,

নইলে মুকিল, রোজ বস্বে শীল,
চাটী ভিটে মাটি, থাক্বেনা ঘটা বাটী,
পালাতে হবে ছুটে, এক ছুটে ॥

কিপার। আমাদের ষষ্ঠ তামাসা—পুজুরি ভালুক ও বজ্রমানি
ভালুকী ।

(ভালুক ভালুকী লইয়া বেহাৱার প্রবেশ ।)

ভালুকী। ইস্, তুমি ভারি টল্‌ছে! !

ভালুক। তুমি যে থাবা থাবা মোড় খাইয়েছ, তাতে নেশা
হয়েছে !

ভালুকী। নৈবিদ্বি কর'বো কোন ঠাকুরের ?

ভালুক। তা বলতে পারিনি, নৈবিদ্বি সাজাও !

ভালুকী। পূজা হবে কার ?

ভালুক। তা বলতে পারিনি, ফুল দাও !

ভালুকী। মস্তুর পড়ছো কি ?

ভালুক। তা বলতে পারিনি তুমি শাঁক বাজাও ।

ভালুকী। কেন পূজো করছো ?

ভালুক। তা বলতে পারিনি আমায় ধর ।

ভালুকী। কেন ধরবো কেন ?

ভালুক। তা বলতে পারিনি, একটু শোবো ।

ভালুকী। তবে মরো ।

ভালুক। তা বলতে পারিনে, ঘুমবো ।

ভালুকী । যত্নমান বাড়ি যাবে না ?

ভালুক । তা বলতে পারিনি, ডোরা টানবো ।

ভালুকী । পোড়ার মুখো ! হু খাবা মোও খেয়ে চেস্তা মারবি !

ভালুক । তা বলতে পারিনি, কুস্তী লড়বো !

ভালুকী । কুস্তী লড়বি কার সঙ্গে ?

ভালুক । তা বলতে পারিনি, নাচবো ।

ভালুকী । নাচবি কার সঙ্গে ?

ভালুক । তা বলতে পারি,—তোমার সঙ্গে, তোমার সঙ্গে,
তোমার সঙ্গে ।

উভয়ে স্মীত ।

নাচি ঠুম্‌কী ঠুম্‌কী নাচি ঠুম্‌কী ঠুম্‌কী ।

আমরা চাঁদমুখো আর চাঁদমুখী ॥

পিরীত মাখামাখি, ছুজনে মেতে থাকি,

জ্বরে ধুঁকী, আর মোও চাকি,

পিরীত বাধলো যখন আমরা খোকা খুকী ॥

ভোরে হাওয়া খেতে, পিরীত বাধলো পথে,

এখন জানাজানি ছিল। লুকো লুকী ।
